

四庫全書

史部

欽定四庫全書

史部

欽定大清會典則例卷一百六

七

詳校官檢討臣劉炳

編修臣程嘉謨覆勘

總校官原任中允臣王燕緒

校對官中書臣袁文邵

謄錄監生臣金三俊

欽定四庫全書

欽定大清會典則例卷一百六

兵部

武選清吏司

職制四

一保舉事例康熙四十七年議準福建廣東二
省武進士舉人生監民人內有練習水師事宜
願隨官兵出洋巡哨効力者該督撫豫先列名

咨部果能擒盜立功保舉引

見敘用○雍正三年議準各省武職各官有例應題
補者該督撫提鎮分別水師陸路將見任屬官
內擇其才守兼優勤慎奉職或洞悉水師事宜
者豫行公同保舉其有事故者除失察大盜革
職畱任戴罪圖功不準保舉外如有降職降級
住俸降俸及承追督催未完案件均於保舉本
內聲敘由部覈明引

見未滿三年與例相符者均題明注冊其未經引

見及引

見已滿三年者均題明調取引

見陸續送部恭候

欽定注冊竣有本省員闕應題補者各按應升之官

掣籤補用○五年

諭各省副將叅將著該省督撫提鎮會同分別列為一
等二等三等出具考語密咨兵部將履歷年歲籍貫

繕摺進呈其副將叅將中有曾經特用及該上司題升者亦皆仍分別等次出具考語一體咨部務期秉公據實毋得瞻徇情面欽此○六年

諭從前降旨令各省督撫提鎮將副將叅將分別列為一等二等三等出具考語密咨兵部繕摺進呈但思人之存心行事亦有先後易轍者若以等次考語既定不便改易則身列優等者或有自恃妄為之心而身列下等者不復有奮勵上進之念非隨時造就之

道也著再行文督撫提鎮等若咨部之後該員或怠惰前修或悛改舊習雖無功績劣跡不至於保薦叅處者則亦當優等降為劣等劣等升為優等著督撫提鎮據實移咨兵部不必作難回護若前任上司所定而後任有應當更改者亦照此咨部不必執一著將此通行各省武職等皆令知之欽此○十三年奉旨水師各官員闕皆關緊要見在通曉水師可以補用者甚少爾部行文福建廣東總督於千總內簡選熟

諸水師者福建省著保舉六人廣東省著保舉四人
送部授為藍翎侍衛行走以備簡選水師之用○乾

隆六年奉

旨副將等分別等次之處累年各省咨部具奏者皆
不畫一且各該員新舊不一復不時升調若不定
以限期各省督撫勢難遵行嗣後著以五年舉行
一次永著為例○又奉

旨各省副將叅將從前曾降諭旨令督撫提鎮會同

分別等第五年舉行一次見在陸續咨部著將所保一等之副將叅將皆送部引見永著為例○又奏準直省副將叅將該督撫提鎮分別列為一等二等三等其漢軍將軍標副將叅將及巡捕營叅將由該將軍統領分別等次亦於五年舉行一次○又奏準副將叅將列為一等者調取引

見如蒙準其一等注冊遇有各省總兵官闕將應升

人員照例開列具題仍將保舉一等之副將繕
摺隨本進

呈副將員闕亦將應升人員照例開列具題仍將
保舉一等之叅將繕摺隨本進

呈○九年奉

旨著各省總督巡撫提督於所屬副將內慎選可勝
總兵之任者秉公保舉具奏○又奉

旨各省督撫提督保舉能勝總兵之副將朕皆降旨

令送部引見但此等保舉之副將一省中或有數人若一時送部則營伍辦事未免乏人著各該督撫提督斟酌先後陸續送部引見○十年議準各省豫保各官有已過三年未經升用者令各該督撫提鎮詳加考驗甄別如果堪升用出具考語咨部仍照例掣補其有弓馬技藝不如從前辦理營伍並無進益及年力已非精壯不堪升用之人即咨部注銷○又奏準乾隆九年議準

陝甘二省及四川松潘一鎮守備員闕乃在外
題補者第一次用旗員第二次掣用豫保千總
第三四五次於候補人員內簡選題補至四川
通省各標協營守備未經分用旗員者遇有題
補之闕第一次歸豫保千總掣補第二三四歸
候補之人題補在案今察各省候補之人甚多
亦必與豫保千總分用始得均平嗣後除陝甘
二省松潘一鎮仍照九年之例分用外其各省

候補守備與豫保千總照四川通省補用守備
例第一次歸豫保千總掣補第二三四次歸候
補人員題補再有員闕照此分用○十一年奉
旨各省叅將例應將軍督撫提鎮分別等次五年舉
行一次送部引見今屆舉行之期除照定例舉行
外著各省將軍督撫提鎮於所屬叅將內擇其可
勝副將之任者秉公保舉具奏將所保之人酌量
送部引見以備朕陸續委用○又奏準各省保舉

之一等副將一等叅將若前因保舉總兵副將
已經引

見未滿三年者均免其送部於密咨到部時將該員
保舉總兵副將曾經引

見並所奉

諭旨聲明具奏即將一等注冊○十四年奉

旨從前曾降旨令各省督撫提督於所屬副將內保
舉堪勝總兵官之人經各督撫提督陸續保奏調

來引見人皆平常並無傑出之才朕於其中簡擢
數人亦祇將就錄用總兵官為將領之統率必須
才具出眾乃能勝任今遇員闕一時難得其人著
該督撫提督再於所屬副將內擇其實在堪勝總
兵官者各保二三人倘副將內乏人即於叅將內
選擇亦可該督撫提督不得以中平之人濫膺茲
選亦不得因朕有此旨遂委之無人以圖規避務
須實心遴選據實保舉奏聞送部引見候朕酌量

簡用○又奏準武職豫保各官原因要地需人是
以行令各該將軍督撫提鎮簡選豫保注冊向
例無論新舊遇闕一例掣升惟是豫保千總一
項雖應掣升守備但六年俸滿即應離任非若
豫保應掣升副叅游都之人並不離任在部論
俸可升在外遇闕得題者可比是以有豫保注
冊多年尚未掣升亦有甫經豫保即得掣升者
其先保之人竟至守候無期似屬偏枯嗣後豫

保千總遇有應掣守備員闕時先將前次注冊之人掣升完日再將其次注冊之人掣升○又奏準江南浙江陸路守備員闕第一次歸豫保千總掣補第二次歸候補人員題補再有員闕照此分用

一題補事例直隸河屯協副將都司督標前後二營各游擊守備易州營游擊守備杜勝營八溝營各都司馬蘭鎮標左右二營黃花山良鄉

汛房山汛涑水汛水東村土城子各守備山東
臨清營膠州營文登營各副將都司臺莊營德
州營即墨營各叅將守備登州水師前營游擊
守備寧福營安東營各都司成山汛余家巷各
守備江南京口協副將游擊守備提標中營蘇
州營淮安營太湖營吳淞營川沙營金山營各
叅將守備提標左右前後四營松江城守營蘇
松鎮標中左右奇四營狼山鎮標中左右三營

劉河營福山營江陰營廟灣營鹽城營海州營
泰州營各游擊守備京口水師營柘林營青村
營南匯營黃浦營楊舍營孟河營掘港營佃湖
營小關營東海營各都司江寧水師營靖江營
青山營三江營各守備福建督標中營副將都
司左右營水師營各叅將守備撫標中營叅將
守備右營游擊守備水師陸路各提標中營叅
將守備左右前後四營游擊守備海壇金門各

鎮左右二營游擊守備福寧漳州各鎮標中左
右三營游擊守備南澳鎮標左營游擊守備興
化協福州協閩安協各副將游擊都司守備銅
山營長福營同安營烽火門營泉州營各叅將
都司守備桐山營連江營羅源營漳州城守營
雲霄營詔安營海澄營各游擊守備安海汛灌
口汛各都司浙江撫標叅將守備提標中軍叅
將守備左右前後四營游擊守備定海黃巖溫

州各鎮標中左右三營游擊守備杭州協嘉興
協象山協台州協紹興協平陽協樂清營瑞安
營各副將都司守備乍浦營鎮海營太平營寧
海營玉環營各叅將守備太湖營大荆營寧波
城守營溫州城守營各游擊守備錢塘水師營
昌石汛磐石營各都司海塘左右營守備湖廣
永州鎮標中左右三營鎮守鎮標中左右前四
營綏寧營城步營衛昌營保靖營各游擊守備

沅州辰州施南永綏各協都司守備永順寶慶
靖州各協都司武崗營都司臨武宜章桂陽九
谿各營中軍守備陝西督標中軍副將守備左
右前後四營游擊守備固原甘肅各提標中軍
叅將守備左右前後四營游擊守備安西提標
中軍叅將守備左右二營游擊守備西寧涼州
各鎮標中左右前後五營游擊守備寧夏鎮標
左右前後四營游擊守備延綏肅州各鎮標中

左右三營游擊守備河州鎮標左右二營游擊
守備西鳳協靖遠營神木營定邊營洮岷營西
大通協中衛營花馬池營永昌營金塔寺營永
固城營沙州協靖逆營各副將都司建威營固
原城守營甘州城守營下馬關鎮海營平羅營
靈州營鎮番營大靖營莊浪營瓜州營各叅將
守備洪廣營玉泉營廣武營興武營永安營各
游擊守備紅德城營平涼城守營蘆塘營西安

州營黃甫營靖邊營臨洮營蘭州營階州營秦
州營循化營北州營高古城阿壩營鎮羌營嘉
峪關鎮彝營洪水營高臺營山丹營黑城營大
馬營卜隆吉營擺羊戎各游擊延綏城守營常
樂堡響水堡高家堡鎮羌堡孤山堡鎮靖堡安
邊堡歸德營保安堡岷山堡舊洮堡文縣營白
塔營西山城守營西固堡南川營威遠堡碾伯
營寧夏城守營橫城堡新城堡涼州城守營張

義堡蔡旗堡安遠營岔口營三眼井清水堡肅
州城守營梨園堡馬營墩硤口堡柳溝營赤金
營黃墩堡踏實堡安西城守營各都司蘆溝堡
保寧堡柏林堡木瓜園堡寧塞堡甄井堡石空
寺古水井堡同心城安定堡寧遠堡水泉堡高
溝堡西把截堡土門堡紅水營松山營威魯堡
南古城平川堡紅崖堡巴暖三川亦雜石莊河
拉庫托塔爾灣各守備四川威茂協泰寧協各

欽定四庫全書

欽定四庫全書
卷一百六

副將都司普安營綏寧營瀘寧營越雋營會川
營各叅將守備提標中軍成都城守營各叅將
松潘建昌各鎮標中左右三營漳臘營疊溪營
靖遠營會鹽營戕邊營各游擊守備建武營游
擊平番營安阜營大壩營馬邊營嘉順營懷遠
營永定營寧越營冕山營各都司南坪營守備
廣東三江口春江協虎門協香山協黃岡協龍
門協瓊州協澄海協各副將都司守備平海營

大鵬營新會營海門營各叅將守備碣石潮州
各鎮標中左右三營瓊州鎮標左右二營左翼
鎮標中營南澳鎮標右營新安營廣海寨惠來
營潮陽營電白營吳川營海安營欽州營儋州
營萬州營各游擊守備雷州協中軍都司右營
守備碣州營都司徐聞營達濠營各守備廣西
義寧協副將游擊守備雲南督標中軍副將都
司左右前後四營游擊守備撫標中軍叅將守

備右營游擊守備提標中軍叅將守備左右前
後四營游擊守備臨元楚姚永順鶴麗永北開
化曲尋普洱各鎮標中左右三營游擊守備騰
越劍川廣羅各協副將都司景蒙維西新嵒武
定尋霑奇兵各營叅將守備順雲營都司貴州
撫標中軍叅將提標中軍叅將安籠鎮遠各鎮
標中軍游擊古州鎮標中左右三營游擊守備
威寧鎮標左右二營游擊守備大定黔西定廣

都勻清江上江各協副將游擊都司守備銅仁
協副將及右營游擊長寨黎平台拱丹江朗洞
各營叅將守備歸化長壩水城畢赤下江荔波
各營游擊守備凱里營都司古州道標守備以
上各官遇有員闕該督撫提鎮於所屬應升人
員內簡選材技優長諳練地方者題補○又定
直隸總河標左營副將都司守備右營游擊守
備永定河營守備河東總河標中軍副將守備

左右營游擊守備濟寧城守營都司守備黃運
河營懷河營豫河營各守備江南總河標中軍
副將都司河營叅將淮徐河營淮揚河營各游
擊豐蕭碭河營銅沛河營邳州河營睢靈河營
宿遷河營宿虹河營桃源南岸河營桃源北岸
河營桃源安清中河營宿遷運河營山清外河
上營山阜南岸海防河營山清裏河上營山陽
裏河下營高堰河營山盱河營高寶運河營揚

河江防河營山安上河營安阜黃河北岸河營
葦蕩左營右營各守備以上河營員闕簡選熟
悉河工之人題補河標員闕簡選材技優長諳
練地方者題補○又定各省例應在外題補員
闕本部無庸升選將豫保注冊之人掣籤補授
如無豫保注冊之人行令該督撫提鎮簡選題
補如不得其人題請於奉

旨記名人內簡用○又定題補各官內有弓馬生疎

人材不及引

見時奉

旨交部察議者將保題之督撫提鎮降二級調用○

又定江西南湖鄱陽二營都司南昌營守備湖
廣洞庭協副將都司宜昌鎮標前營游擊後營
游擊守備荊州岳州漢陽常德四營守備廣東
肇慶營叅將守備左翼鎮標左右營游擊守備
東莞營都司均繫內河水師營若遇員闕停其

將陸路人員推升卽以內河水師人員升補如
無合例應升補之人行文該督撫提鎮於本省
各官內簡選諳練內河江湖情形者酌量題補
○康熙三十年覆準巡捕營叅將以游擊題補
游擊以守備題補守備以千總題補由步軍統
領將諳練地方材技優長者簡選引

見千總以把總拔補把總以兵丁拔補○六十一年
議準題補官未經引

見及引

見已滿三年者均送部引

見未滿三年者停其送部○雍正八年議準福建廣東沿海水師各營及山東江南浙江沿海水師各營叅將游擊都司守備等官俸滿應升均加銜一等仍畱原任遇有本省員闕繫該員應升且人地相宜者該督撫提鎮酌量題補○十一年奉

旨武職中熟習水師之人甚為難得該管大員若不於平日留心儲養何以收人地相宜之效每見督撫提臣中有將熟習水師人員題請調用陸路者此皆未經周詳籌算之故著通行傳諭嗣後細加體察如在水師中為平常之員而長於陸路者準其調補陸路若繫長於水師之員皆留竢水師員闕題補不可因陸路一時需人輕易改調以致用違其長○十二年

奉

旨近來外省不應題補之官督撫提鎮等遽行題補者較前過多在部候選候補之人未免壅滯嗣後若實因地方緊要務須熟諳風土之人不得不題補者著於本內聲明亦只可將見任簡僻地方之官調補如此則員闕仍歸部選內外銓用方各得其平○又議準武職合例之人應保題者俟部覆奉

旨後知照該督撫提鎮再給咨送部其不合例之人於保題本內聲明聽候部覆如奉

旨準其送部將該員給咨送部至遞行題補各官應
送部者俟首題之人送部引

見奉

旨準補後再將以次題補之人陸續送部○乾隆元
年議準水師人員奉

旨交部推用者發往有水師之省令督撫提鎮竢水
師員闕酌量題補○又議準直隸泰寧鎮標游
擊守備員闕該督於應行升調旗員內簡選擬

定正陪題補○三年議準水師原有內河外海之殊人材亦有宜於內河外海之別若不分晰恐致誤用但內河水師之闕較之外海甚少內河水師各官亦有熟悉水性宜於外海者若必竢內河員闕方許題補未免壅滯嗣後該督撫提鎮將內河水師各官詳加考覈宜於內河者仍以內河用宜於外海者即題補外海並準其豫行保舉仍先分別造冊送部倘未經造冊之

先有將內河水師各官因其熟悉水性題補外
海員關及豫行保舉者該督撫提鎮即將該員
熟悉外海水性之處於疏內聲明亦準其題補
豫保○又奏準督撫提鎮題補各官如有事故
者均於疏內聲明免其議處若因公墨誤部議
革職之人如奉

旨留任或經該督撫提鎮保題留任者若不俟開復
遽請升用本內並不聲明者降一級調用至停

升住俸降罰之事本內未經聲明者罰俸六月
由部於議覆時即將具題之督撫提鎮一并議
處○五年議準

簡發各省人員無歸班銓選之例必俟該省有在外
應題之闕或題請補授或委署試用其題闕無
多及並無題闕之省分遇有歸部推選之闕如
有人地相宜銜品相當者該督撫提鎮於題報
出闕本內聲明並出具切實考語準其將分發

人員酌量應題補者題請補授應試用者題請
署理俟署理果能稱職再請實授○六年奏準
四川灌縣青雲沱地方增設守備一員定為在
外題補○七年題準廣西義寧協左右二營游
擊裁汰其原設左右二營守備內將左營守備
改為中軍都司兼管左營事仍準在外題補○
又奏準江南黃浦營都司裁汰提標右營改為
水師右營其游擊員闕簡選熟諳水師之人題

補○八年奏準題補各官務須擇其人材出衆
弓馬優嫻者方準保送其中或有効力年久著
有勞績人材弓馬稍次者於本內敘入引

見時聲明請

旨若効力年淺並未著有勞績考驗時有人材弓馬
不堪者將應否引

見具奏候

旨遵行○又奏準福建漳州鎮屬詔安營增設守備

一員駐劄紅花嶺其員闕該提督簡選題補○
九年議準直隸天津鎮標左營四黨口地方為
私鹽出沒之所且界連山東綿亘三百餘里巡
緝盜匪實屬緊要其守備未便歸部銓選應令
該提督簡選題補○又奏準福建漳浦營游擊
守備原屬部推之闕今均改為在外題補○十
年覆準直隸馬蘭鎮標左營游擊乃守護

陵寢重地提標中營叅將宣化鎮中軍游擊唐三營守

備均屬沿邊要區遇有員闕令該督提於通省
簡選人地相宜者題補○又奏準保題副將叅
將倘該省一時無合例之人經督撫提鎮於本
內聲明請

旨簡發補用者由部將奉

旨記名保列一等發回原任並卓異注册應用副叅
人員開列職名請

旨簡發如無記名等項人員行文領侍衛內大臣鑒

儀衛步軍統領各衙門於漢侍衛並巡捕營各
官內簡選銜任相當之人引

見請

旨簡用○又奏準游擊以上閱俸二年都司以下閱
俸三年始準以應升之官題補○又題準雲南
曲尋楚姚兩鎮標中軍游擊仍準在外題補其
曲尋楚姚兩鎮標左右二營游擊及兩鎮標中
左右三營守備景蒙營叅將守備改為部推○

十一年題準福建督標左右二營叅將守備撫
標右營游擊守備陸路提標後營游擊守備福
寧鎮左營游擊守備桐山營游擊守備漳州鎮
右營游擊守備興化城守右營游擊守備福州
城守右軍都司原皆題補今改為部推○又題
準陝西西鳳協副將並中軍都司建威營甘州
城守營固原城守營各叅將並中軍守備紅德
城營黑城營秦州營各游擊蔡旗堡碾伯營涼

州城守營寧夏城守營西寧城守營肅州城守
營延綏城守營各都司同心城守備原皆題補
今均改為部推○十二年奏準江南內河水師
叅將止有太湖營一員原繫在外題補今改設
副將則內河叅將已屬無人嗣後太湖內河副
將員闕準將川沙吳淞二營外海叅將題補至
江南內河游擊十員均應升內河叅將今太湖
內河叅將一員已改副將內河游擊永無升轉

之期而內河都司以下各官亦因之壅滯應令該督提將江南內河游擊詳加試看如果熟悉洋面情形宜於外海者簡選題明遇有外海叅將員闕準其題補曾豫保者準其掣補再江南內河游擊原繫水路兼防營分倘內河游擊不能熟悉外海情形其中有長於陸路者亦令該督提詳加試看具題以陸路補用○又奏準雲南劔川協改為劔川營維西營改為維西協其

原設副將叅將都司守備仍準在外題補○十
四年議準四川設總督管巡撫事除將撫標原
有左右二營即改為督標左右二營外再增中
軍一營設中軍副將並中軍都司各一人由該
督撫簡選材技諳練勝任者題補至撫標原設
叅將游擊向歸部推選今改為督標左右二營
仍照舊歸部推選○又覆準陝西安西提標原
繫中左右三營今增設前後二營各設游擊一

員守備一員令該督簡選題補○又議準直隸河道總督事務既改歸直隸總督兼理所有河標左右營中軍副將改為天津鎮屬務關路叅將左營中軍都司改為務關路叅將中軍守備至河標右營游擊原繫通州協張灣營守備於雍正九年題改都司今應改為張灣營都司仍屬通州副將兼轄其右營守備原繫崔黃營守備改設今應仍改為務關路崔黃營守備至見

今改設之張灣營都司並務關路叅將及中軍
守備地處衝要為舟車都會催漕防汛責任綦
重非諳練漕河之人不克勝任遇有員闕均令
該督簡選題補○又議準四川阜和一營在泰
寧二百里之外遠處極邊為西藏出入要路且
四面番夷環處各土司皆歸統轄其游擊一員
守備一員均令該督等簡選題補○十五年議
準四川建昌鎮屬之兒斯堡因賊番劫殺設立

瀘寧營叅將一員左右軍守備二員自設官以
來番民漸次向化已將右軍守備裁汰近來番
民皆已安靜應將叅將裁汰又松潘鎮屬之漳
臘營地處極邊原設游擊不足以資彈壓應改
設叅將其員闕仍準在外題補○十七年題準
四川松潘鎮屬南坪一營孤懸番地應將守備
改為都司仍準在外題補○十八年議準福建
漳州鎮標左營游擊守備原繫題補之闕右營

游擊守備原繫部推之闕海澄漳浦二營游擊
守備亦原繫題補之闕今海澄漳浦二營改為
鎮標左右二營所有游擊仍列為題闕守備改
為部推其鎮標原有左右二營改為龍巖平和
二營繫屬專營所有游擊守備均準在外題補
○又議準四川威茂協副將移駐維州改為維
州協副將其左營中軍都司移駐舊保右營都
司移駐雜谷關仍均準在外題補其威茂地方

設茂州都司一員該督提簡選題補仍歸維州
協副將管轄○又議準廣東增城營叅將分防
增城龍門從化花等四縣為通省陸路叅將第
一要關應令該督提於通省合例人員內簡選
題補○又奏準蘇松鎮標右營狼山鎮標左營
各游擊太湖協左營守備均改都司仍令該督
提簡選題補○又奏準福建興化協左營漳州
城守營閩安協左右二營各游擊均改都司仍

準在外題補○又奏準浙江大荆營寧波城守
營溫州城守營各游擊均改都司仍準在外題
補○又奏準湖廣鎮筸鎮標前營游擊改為都
司仍準在外題補○又奏準陝西督標副將中
軍守備甘肅提標後營涼州西寧各鎮標前後
二營興武營靖邊營臨洮營各游擊均改都司
仍準在外題補○又奏準四川松潘建昌各鎮
標右營游擊均改都司仍準在外題補○又奏

準廣東瓊州鎮標右營游擊改為都司仍準在
外題補○又奏準雲南臨元永順鶴麗永北開
化各鎮標左右二營游擊均改都司仍準在外
題補○又奏準貴州古州威寧各鎮標右營大
定協左右營各游擊均改都司仍準在外題補
○又奏準河東總河督標中軍副將中軍守備
改為都司仍準在外題補○十九年議準福建
漳州城守營守備原繫題補之闕今改為部推

○又議準浙江海塘左右兩營守備原繫題補之闕今海塘工程平穩毋庸巡防所有兩營守備應行裁汰將左營守備改為杭協城守營中軍守備右營守備改為乍浦右營守備其乍浦原有中軍守備亦原繫題補之闕今改為乍浦左營守備以上守備三闕均仍準在外題補

一調補事例江西廣信營饒州營各叅將鉛山營浮梁營武寧營永新營各都司福建臺灣總

兵官三年俸滿由部將該省見任總兵官開列
具題請

旨調補臺灣協澎湖協北路協各副將游擊都司守
備臺灣城守營南路營各叅將守備臺灣鎮標
中左右三營游擊守備北路淡水營南路下淡
水營各都司廣東崖州營叅將守備廣西新太
協副將都司守備融懷營叅將守備右江鎮標
中左右三營隆林營思恩營各游擊守備鎮安

協慶遠協各都司守備上林營龍憑營趙盡縣營
三里營上思營各都司東蘭營守備雲南昭通
鎮標中左右前四營游擊守備鎮雄東川廣南
元江各營叅將守備以上各官遇有員闕該督
撫簡選諳練老成熟習風土之人題請調補○

又定福建臺灣澎湖副將三年叅游都守二年
千把三年均屆期調補○雍正二年議準廣東
陸路各官內有情願効力水師者於每年出洋

巡哨時隨同演習果能熟習水務可發縱指使
者以水師員闕或升或調酌量題請○七年奉
旨凡遠省煙瘴地方文武官員闕例將本省熟悉風土
之人調補朕思煙瘴地方大半繫邊遠簡僻若槩行
調補不令升補未免強幹之員轉駐簡僻之所止圖
揆俸無所表見而才具可用有志上進者或生苟且
因循之習亦未可定嗣後凡遇煙瘴地方文武官員
闕向例調補者著該督撫提鎮等於屬官內秉公酌

量若有可以題升之人卽具題請旨升授若繫應調之人仍照舊調補升調兼行不拘一格總期人地相宜材職相當以副朕鼓舞裁成之至意倘有應行調補之人不願前往而該管上司聽其規避或有不應題升之人而該管上司徇情題升經朕察出定行從重議處○八年議準福建臺灣水師營游擊守備廣

東崖州水師營叅將守備俸滿之日該督提察覈具題調回內地俟本省水師員闕題請調補

○乾隆四年奉

旨廣西右江水土惡劣地方其駐劄叅守等官皆準
分別年限報滿候升而總兵官以繫特簡大員不
準移調於情理未協應令該督撫悉心斟酌或量
移善地駐劄如不便移駐亦當於通省總兵官內
限年移調著定議具奏欽此遵

旨議準廣西右江總兵官三年俸滿該督提題報到
日由部將左江鎮並附近右江鎮之貴州安籠

鎮廣東右翼高州各鎮總兵官職名開列具題

恭候

欽點一人調補其所遺員闕即將右江總兵官補授

○七年奉

旨朕從前因右江總兵官員闕地處邊瘴水土惡劣
是以降旨令三年調換今二年之內連故二鎮朕
心深為軫惻覽本內開列之人恐亦未必熟習右
江風土或於附近總兵副將內熟習風土者簡選

升調一人或將右江總兵官改為副將並酌量移駐與見在駐劄地方相離稍遠以免瘴癘著該部詳議具奏欽此遵

旨議準右江鎮駐劄地方水土最為惡毒其員闕雖將附近右江之貴州安籠鎮廣東右翼高州鎮同左江總兵官開列請

旨調補恐未必熟習右江風土難免瘴癘之虞若遽議移駐則邊疆要地無重鎮彈壓亦屬非宜嗣

後應令該督提於本省副將內擇其熟習右江風土者簡選題升如本省副將不得其人於廣東通省副將內一并簡選如仍無可題之人該督提豫將兩省副將無可題補緣由報部即比照吏部廣東瓊州府屬煙瘴地方用附近雲貴等省人員之例將各省見任副將內籍隸兩廣湖南雲南貴州等五省人員開列具題恭候

欽點補授俟俸滿之日即行報部調回內地遇有各

省總兵官員闕由部具題請

旨補授○八年議準湖廣苗疆之沅州辰州施南永綏永順寶慶靖州七協副將臨武宜章桂陽三營叅將遇有員闕該督提於通省副將叅將內簡選調補○十年議準湖廣永綏靖州二協副將桂陽營叅將皆最要苗疆如遇員闕該督提先盡內地合例副將叅將簡選調補如內地實無可調之人於疏內聲明由部將豫保人員掣

補其沅州辰州寶慶施南永順五協副將宜章
臨武二營叅將皆次要苗疆如遇員闕該督提
於內地簡選副將叅將調補倘一時不得人地
相宜由部以卓薦一等記名之人開列請

旨補授○又議準臺灣水師陸路各外委員闕均就
臺兵考拔三年報滿與內地外委互相調補○

十八年奉

旨右江總兵一官地處邊瘴水土惡劣必得與該處

服習者始可題補若所保人員內有遇降革事故該部即按例議駁恐一時難得相宜合例之人而總兵大員膺封疆重寄今祇由該督提簡選請旨補授亦非慎重簡畀之意嗣後右江總兵官將屆俸滿著該督卽於本省副將內豫行簡選不必拘以有無事故但擇其人地相宜堪勝總兵官之任者擬定正陪送部引見候朕簡用○又奏準廣西右江鎮標左營游擊改為都司仍準在外題補

一降調補用順治年間定提督降一級不補總
兵官降銜一等借補副將如降二級及總兵官
降一級皆以副將用若降級多者依次以叅將
等官補用副將降一級補叅將叅將降一級補
游擊游擊降一級補都司都司降一級補守備
守備降一級補守禦所千總守禦所千總降一
級補衛千總衛千總降一級補營千總營千總
與門千總降一級補把總把總無級可降革職

以上應補副將者缺人文到部之後遇有員闕
與應升之人一同開列叅將以下衛千總以上
挨班補用應補營千總把總者到部後分發各
該員原籍附近省分交該督撫提鎮與該省應
行考拔之千總把總一例考驗拔補門千總降
一級應補把總者分發巡捕營以把總拔補○
康熙三十七年議準巡捕營各官降級調用者
照所降之級仍以巡捕營用○雍正十三年議

準降級調用武職各官如有奉

特旨從寬免其降調仍以原官補用者準以原官補用餘按所降之級降補○乾隆十七年奏準外海水師降補人員因並無部推之關該員等到部後皆奏請引

見或發往該員本省或發往鄰省有外海水師之題關者交與該督等以該員應用之關酌量題補至內河水師降補人員向來未有辦過成例該

員等一經降調赴部其叅將游擊尚有部推之
闕可以銓補至守備一項部推雖有八闕先經
奏準第一闕用水師藍翎侍衛第二闕用造冊
送部選用之水師年滿千總再有闕出均照此
輪用在案是降調赴部應補內河水師守備無
班可歸按內河水師守備題闕江南十有二廣
東三嗣後內河水師守備照外海水師之例遇
有降調守備者由部引

見請

旨發往有內河水師守備題闕之江南廣東二省交
與該督等與應補人員一例酌量題補再察內
河水師部推都司止有四闕亦經奏準補用水
師藍翎侍衛如有降補都司之人亦無班可歸
察內河水師都司題闕江南四浙江一嗣後遇
有降補都司赴部者並照守備一例辦理

一引

見事例順治年間定巡捕營叅將游擊守備及門千
總推升外任時引

見請

旨補授○康熙六十一年議準在部投供候選副將
以下門衛千總以上得選後引

見請

旨補授其見任論俸推升叅將以下守備以上均停
其引

見由部具題奉

旨後將劄票封發該督撫提鎮詳加驗看如有年老有疾人材不及者即題明勒令休致部中別行推補如將年老有疾人材不及者給發劄票令其赴任不能供職將該督撫提鎮照徇庇例議處○雍正十一年奉

旨嗣後雲貴兩廣福建四川叅將以上人員除未經引見外若有引見已過三年應令赴京者著該督撫先

行請旨不必卽令起程

一升銜留任順治初年定武職記名各官已經
選升別任者其原任除繫水師營緊要者許該
督撫提鎮題請以升銜留任外其餘一槩不準
○乾隆二年議準陝西甘肅四川廣西雲南貴
州武職各官俸滿推升他省者應否以升銜留
任請

旨遵行如升銜留任之員實能稱職該督撫等察明

遇有員闕無論應選應題準其照升銜題補若
推升他省因與人地相宜不便即令升去經該
督撫等題留者其員闕或經補用有人該員遇
有本省題闕準其題補○十年議準陝西甘肅
四川廣西雲南貴州各官推升他省經該督撫
題留者向來遇有題闕準其題補但該員原闕
或別經補用有人而應題之闕部中又以豫保
之人掣補未免守候需時應將陝西甘肅四川

廣西雲南貴州題留各官其原闕別經補用有
人畱於該省候闕者遇有該省應題之闕停其
將豫保之人掣補卽將題留各官按照相當之
闕指名請

旨補授○十三年

諭向來河工武職原不諳營伍該部論俸推升他處
既於營務無益而河工轉少一熟練之人是以該
總河每每奏請留任該部亦必議準似此一升一

留習為故套員闕又復久懸殊非體制嗣後此等河工武職遇推升時作何留工升用之處該部定議具奏欽此遵

旨議準江南河營叅將一員游擊二員守備二十員河東河營守備三員直隸河營守備一員若皆於本營題補則大闕無多而直隸河南山東各營又無大闕可補若皆以升銜留任則千把以及河兵難得進身之路嗣後叅將如小銜者推

升時加銜一等留任直加至叅將銜仍留原任
於開列副將本內聲明游擊如小銜者推升時
加銜一等留任直加至游擊銜仍留原任有叅
將闕題補如無叅將闕論俸推升仍加銜畱任
小銜守備如應升時加銜一等畱任直加至署
都司銜仍畱原任有游擊闕題補如無游擊闕
論俸推升仍加銜留任其守備員闕仍照舊於
河營千把總內簡選遞行題補拔補以上游擊

應升叅將署都司銜應升游擊之守備守備應
升都司其中果有弓馬優嫻長於營伍者該督
豫出考語造冊送部遇有河標應題之闕與該
員銜品相當者亦準酌量題補○十五年覆準
臺灣孤懸海外遠隔重洋必得熟練之人方於
地方有益若調臺未滿又復推升他省頗易生
手實於要地未宜應將臺灣見任游擊如值較
俸推升之時停其推升他省加銜一等仍留原

任該員臺俸期滿該督提題報照例升用○
十八年議準內河水師各官向與陸路通行較
俸遇應升時有水師員闕即行升用若無水師
員闕皆加銜留任按內河水師各官既必須以
水師之闕升用應止於水師內較俸升轉其外
海水師及河營各官均由在外題補不由部推
但從前亦與陸路通行較俸遇應升時加銜留
任仍該題補徒屬虛文嗣後應聽各該督提酌

量題升均無庸與陸路較俸升轉亦不必加銜
留任

一武職養親乾隆元年議準武職大小各官除
見辦緊要機務不準告終養外其餘父母祖父
母年七十以上家無以次成丁許回籍終養或
雖有兄弟而篤疾不能侍奉與母老雖有兄弟
而同父異母皆許回籍終養其父母年至八十
以上雖家有次丁者亦許回籍終養各將終養

情由呈報該上司轉詳督撫提鎮取親供印結
題明終養倘有假捏規避將本官革職出印結
官降二級調用不行詳察轉報之該管上司罰
俸一年○九年

諭向來文官原有親老調補近省之例武職雖與文官
不同其為養親則一但改歸本省補用殊多未便若
於附近省分改補亦屬可行著該部議奏欽此遵

旨議準武職各官因親老改補近地者發往原籍附近

有題闕省分交與督撫遇闕題補俟該員應補之日該督撫報部仍俟原授之任有闕題請調補

一病痊起用康熙十一年題準提督總兵官除年老有疾題請休致外其年力未衰因患病回籍調理者病痊之日原籍督撫驗看具題若在原任省分調理者病痊之日該省督撫驗看具題均送部引

見候

旨簡用○又題準副將以下衛千總以上各官因病
告請休致者該督撫提鎮委驗題請休致若告
病涉虛本官革職委驗出結官降一級調用具
題之督撫提鎮罰俸一年提鎮告病由總督驗
看具題無總督者巡撫具題若告病涉虛本官
降二級調用代題之督撫降一級留任○雍正
七年

諭向來外官告病回籍者不復再行起用朕從愛惜人才起見已降旨定例於該員告病之時該督撫若看其居官尚好即於本內聲明俟將來病痊之後赴部引見仍以原官補用文職已有此例文武本屬一體以後武職告病者悉照文職之例行欽此○十一年議準副將以下衛千總以上除年老有疾告休者不復起用外其年力未衰一時患病平日居官好經該督撫提鎮題請解任調理者於病痊

之日驗看具題送部引

見仍以原官補用○又奏準營千總把總患病告請調理除尋常供職者不復起用外其有居官好人材尚可驅使者該督撫提鎮委驗出結於文內聲明準其解任調理病痊之日報部補用倘規避捏飾本官革職委驗出結官降二級調用不行詳察轉報之該管官罰俸一年○乾隆八年奏準武職除年老有疾告休者不復起用外

其有年力未衰一時患病平日居官好該督撫
提鎮請解任者游擊以下各官準其回籍調治
疾病痊之日即令原籍督撫照例驗看具題送
部引

見仍以原官補用至副將叅將令該督撫提鎮於題
請解任調理本內將應否令其回籍之處聲明
請

旨○十七年奉

旨兵部議奏滿千總因親老請改補近省一摺滿洲在旗原有行走之處何必改補近省嗣後此等員弁如有以親老為請者皆令回旗在原處行走○

十八年議準巡捕南營游擊先因推升四川撫標右營游擊奉

旨以升銜留任今病痊起用例應坐補原闕但旗員若照綠旗官員坐補原闕之例發川候補於旗員體制殊為未妥請將該員發交巡捕營仍以

游擊補用嗣後旗員遇有升任遠省以親老留任仍應坐補原闕者即照此辦理

一迴避事例原定雙月單月選補各官均迴避本省○又定外海內河水師及河營各官不拘本省之人均準題補○又定屬官於上官有錢糧盜案考覈賢否等項屬其管轄若繫同族雖服制已遠而聚族以處者令官卑者迴避至支分派遠散居各省各府籍貫迴異者毋庸迴避

若在五服之內雖住處不同仍令迴避其外嫻
親母之父與兄弟妻之父與兄弟已之女壻適
甥均令官卑者迴避如有應迴避不行申報迴
避者降一級調用○雍正十一年議準豫行保
舉各官亦應分別迴避嗣後陸路都司以上於
本籍五百里外員闕籤掣補用守備於隔府別
營員闕籤掣補用至水師各官不拘籍貫營分
遇有該員應升之官準籤掣補用○乾隆五年

奏準開列陸路總兵官時仍將迴避本省於摺
內聲明○九年議準有題闕省分除水師河營
各員闕毋庸迴避本省其內地陸路各官籍隸
他省者原屬居多遇有員闕將他省之人簡選
題補本省之人槩不得題補本省之闕如該督
撫提鎮等違例題補者交部議處至邊疆苗疆
各官亦應迴避本省但地方既屬緊要用人稍
當變通如遇員闕令各該督撫提鎮先盡籍隸

他省之人簡選勝任者題補如果無籍隸他省之人照豫保之例陸路都司以上於本籍五百里外守備於隅府別營均準其題補仍於疏內將無他省之人可題及該員籍貫營制里數逐一分晰聲明給咨送部引

見恭候

欽定如再不得其人令該督撫提鎮奏請由部將卓薦保列一等記名之人開列請

旨簡用○又議準八旗滿洲補用外任從前並未議及應行迴避之例但綠旗各官定例內服制已遠而聚族以處者仍令迴避其支分派遠散居各省各府者毋庸迴避至滿洲親族服制雖遠其住居皆在

京師非若漢人散居各省各府者可比似應與綠旗武職迴避之例稍加分別嗣後八旗補用外任者在五服之內令其迴避其五服以外服制

已遠毋庸迴避○十二年議準副將叅將無論
水師陸路均迴避本省游擊都司守備準於五
百里外及隔府別營題補至千總本屬微員發
往他省不免俯仰拮据之慮仍留本省題補不
必迴避○又議準河營叅將員闕令該督於籍
隸他省之河員內簡選題補如果無籍隸他省
熟諳河務之人準於本省人員內保題請

旨補用仍將緣由於保題疏內聲明○又覆準副將

叅將原繫大員恐滋瞻顧廢弛之弊是以均令迴避本省但水師與陸路不同若必盡用他省之人恐一時不能熟練情形轉於水師無益嗣後陸路副叅仍迴避本省其水師副叅毋庸迴避倘瞻顧廢弛擾累地方該督撫提鎮題叅從重議處○又覆準豫保注册應升副叅之叅游內有籍隸本省者於鄰近省分調掣江蘇安徽互相調掣湖北湖南互相調掣雲南貴州互相

調掣福建浙江廣東互相調掣陝西甘肅四川
互相調掣○十五年議準定例內地陸路各官
不得題補本省之人至邊疆苗疆各省如無他
省之人可題本省之人自都司以上於本籍五
百里外守備於隔府別營均準其題補原指邊
疆苗疆之省分而言乃各督撫提鎮有將內地
陸路均援此例題請者實與定例不符嗣後雲
南貴州四川廣西陝西甘肅湖廣等省地處險

要及切近苗獐之營汛仍照例聲明辦理其餘
內地槩不準援照此例題請如仍違例題請將
該督撫提鎮請

旨交部議處

一丁憂事例順治初年定武職大小各官遇有
親喪在任守制二十七月照常供職不準回籍
○康熙二十六年議準提鎮丁憂由督撫題報
副將丁憂屬將軍轄者由將軍題報屬督撫轄

者由督撫題報其專屬提鎮轄者由提鎮題報
皆離任回籍守制服滿之日起文赴部候補叅
將以下遇有親喪皆在任守制○雍正二年議
準叅將以下各官遇有親喪除軍機調遣不準
給假治喪外其餘無論獨子與非獨子父母在
任故者準給假歸葬在籍故者準給假奔喪該
將軍督撫提鎮酌量定限如任所與原籍近者
不得過六月遠者不得過十月將給假日期報

部事畢依限回營若於定限之外藉端遲延逗
遛者照赴任違限例議處衛所官親喪亦照此
例行若見在運糧者運糧回日準其給假凡遇
親喪各官二十七月之內遇

朝賀祭祀一應慶典免其齊集行禮未滿服制之
前不行升轉較俸升轉之日將回籍治喪離任
月日扣除○七年奉

旨官員在任守制者若遇朝賀筵燕祭祀典禮齊集之

處準委屬官代行再官員偶患風寒肢體等疾亦準
委屬官代行其代行緣由提鎮報明禮部副叅以下
報明督撫提鎮○十三年十一月奉

旨三年之喪不得嫁娶違者奪爵褫服○乾隆三年
議準官員出繼為人後者過本生父母身故提
鎮由督撫題報副將由該管之將軍督撫提鎮
題報皆準回籍治喪一年限滿起文赴部候補
叅將以下各官除軍機調遣不準給假其餘報

明督撫提鎮給假回籍治喪依限回營辦事以聞計之日為始一年內停其升轉至較俸升轉之時將給假離任月日扣除○又議準見任官遇有親喪未經報部之先已論俸推升其原任已補授有人者令赴新任辦事接扣服滿日報部如報部之時原任尚未補授有人者將所升之任扣除別補該員仍留原任俟服滿後再行升轉○四年覆準定例叅將以下在任守制服

未闕之前不準升轉此原指見任實授之官而
言至分發各項候補人員到營之後隨衆差操
適遇親喪若不準其委署則無俸薪養廉難免
拮据況其間有才技兼優之人恐日久閒曠不
免生疎嗣後各項候補人員遇有親喪除於二
十七月內不準題補拔補外若遇人地相宜之
任準其一例簡選委署俟服滿後照例題補拔
補○六年奏準在部候選候補各官於籤掣得

官之後未經給劄之先遇有親喪取具同鄉京
官印結令其回籍守制俟服滿日起文赴部候
補如已經給劄者照見任官例給假治喪○十
二年

諭副將丁憂者例應離任守制俟二十七月期滿始
行補用但旗員向皆持服百日期滿即行當差並
不俟二十七月且滿洲官丁憂後三年內並無差
使閒散安居不但於生計無益人亦漸至頽惰嗣

後除提鎮內丁憂者皆深知簡用之人朕酌量委用外其選用副將之旗員內遇有丁憂由侍衛升用者著在一等侍衛上行走由前鋒叅領護軍叅領驍騎叅領等官升用者著在各原處行走遇叅領副叅領員闕卽行坐補由世爵升用者著仍在原爵行走若由步營及王府升用者原處無品級相當之闕臨時著該旗辦理具奏請旨以便酌量委用竢二十七月期滿應行補用時仍著照例補

用欽此

一停止入籍康熙五十年議準見任及丁憂休
致事故解退之提鎮並副叅游都守等官皆不
許在任所置立產業入籍如有已經置立者限
六月內變賣回籍○五十一年奉

旨武職駐劄地方不許入民籍立產業其已立產業者
令變賣回籍若身故後有實不能遷移者督撫察明
具奏請旨○雍正元年議準提鎮副將均繫大員不

許在見任地方置立產業卽丁憂休致事故解
退之後亦不許在彼入籍居住此內或於任內
置有產業已經身故實有不能回籍者該督撫
具奏請

旨叅將以下各官任所置有產業或本身丁憂休致
事故解退或已經身故子孫留住任所有欲在
彼入籍者該地方官呈報督撫準其入籍居住
田土丁糧與土著一例輸納○乾隆二年議準

緣事革職之人果無原籍可歸如任所安葬祖
父墳墓閱年已久不得已欲在彼入籍者副將
以上等官該督撫具奏請

旨叅將游擊都司該督撫察覈報部由部移咨該員
原籍如果無產業宗族該原籍地方官出具印
結送部準其入籍如有假捏將本人照例治罪
押令回籍不行詳察出結之地方官照濫行出
結例議處至守備以下革職微員原籍如果無

產業墳墓取結報部準其入籍○十八年

諭各省武職大員在任所置立產業身故後子孫不能回籍該督撫代為具奏請旨者多卽準行及按之定例則武職原不許在任所置產入籍康熙年間曾通行稽察予以半年之限勒令回籍隨降旨設有身故者準令代奏請旨此蓋辦理之初加恩寬卹而其後遂相沿成例此該部濫觴非初制也武職雖無民社之寄然於在任時憑藉威勢安保

無營私侵占諸弊且以建旄擁節之大員求田問舍多方為子孫計又安望其能整飭營伍彈壓地方耶苟非生前置產則身故以後子孫當經營歸殯又何暇置產其有產者率在任時違制所置督撫不行叅出耳嗣後武職大員仍照舊例不許在任所置產入籍督撫亦不得代為奏請該部通行傳諭知之欽此

一更復姓名康熙三十七年議準官員改復本

姓名者叅將以上該督撫等具題游擊以下均
咨部注冊該督撫仍於年終彙題各照改復姓
名換給劄付

欽定大清會典則例卷一百六

欽定四庫全書

欽定大清會典則例卷一百七

兵部

武選清吏司

職制五

一單月衛守備選法康熙十一年題準由守禦所千總門千總衛千總較俸推升守備每五關門衛千總用四人守禦所千總用一人○乾隆

七年奏準單月衛守備員闕將衛所千總議敘
卽升千總捐升衛守備者用一人衛所千總領
運全完加至都司銜奉

旨以衛用者用一人再將此四項輪用一周至八人
後將守禦所千總議敘卽升及俸深應升並領
運全完加至都司銜奉

旨以衛用者共為一班相間輪用一人○又議準門
千總食俸年久由部行文步軍統領出具考語

送部引

見分別營衛注册其奉

旨以衛守備用者歸於單月應升班內與衛千總一

同較俸推升不準計算京俸○又議準卽升人

員按文到議敘先後推升如同日文到照食俸

先後推升應升人員照食俸先後推升捐升人

員照輸庫日期先後推升如同日輸庫籤掣先

後注册遇闕推升大銜以衛用者照引

見奉

旨日期先後推升如同日奉

旨照食俸先後推升○又議準衛所千總加至都司

銜具呈告降以衛守備用者照具呈注册日期

於用九人之後推升一人俟告降注册之人用

完卽將此班停止○十四年議準衛所千總議

敘卽升者若遇應升班內俸次已到仍準其較

俸推升○十八年議準衛千總領運漕糧向來

分別省分遠近議敘江南江西浙江湖廣等遠
省一運全完加銜一等二運全完加銜二等三
運全完歸入卽升班內選用山東河南等近省
一運全完紀錄二次二運全完加銜一等三運
全完紀錄二次四運全完加銜二等五運全完
紀錄二次六運全完歸入卽升班選用今加銜
既經刪除應將衛千總加銜改為加級準其隨
帶至於紀錄及歸入卽升班內選用之處仍照

向例行○又議準單月衛守備原設兩捐班今
此次江振有捐納衛守備者歸入舊有捐班選
用

一雙月衛守備選法順治初年定由裁汰改推
還職降補三甲武進士題準給劄等項挨次選
用每三闕各項輪用一人武進士用二人○又
定雙月衛守備員闕以裁汰改推為一班還職
降調為一班武進士為一班年滿咨送為一班

功加為一班効勞為一班投誠為一班每八關
各項輪用一人武進士用二人○康熙四十八
年題準見任千把總年滿千總中武進士應以
衛用者於雙月別立一班選用○雍正十一年
議準難廕議敘以衛守備用者歸入給劄班內
選用効力武舉三年期滿以衛守備用者歸入
効勞班內選用○十二年議準藍翎侍衛奉

旨以衛守備用者歸入科班選用○乾隆元年奏準

見任營守備調取引

見奉

旨以衛守備用及籤掣營守備之武進士並効力人

員年滿千總引

見奉

旨以衛守備用者於雙月各班之末設改用班選用

見任調取者於改用班內先用○七年奏準雙

月衛守備員闕將開復降補捐還三項共為一

班相間輪用一人簡選三等武進士及奉

旨歸入武進士班內以衛用之藍翎侍衛共用二人

難廕守備以衛用者用一人効力期滿以衛用

者用一人武進士充補提塘期滿以衛用者用

一人捐納衛守備用二人見任營守備調取引

見以衛用者及掣補營守備之武進士並効力人員

年滿千總引

見改用衛守備者共為一班用一人○又奏準開復

降補人員各照奉

旨日期先後選用如同日奉

旨公同掣籤注册挨次選用捐還原職人員照輸庫

日期先後選用如同日輸庫亦公同掣籤注册

挨次選用武進士照簡選年月挨科分名次先

後選用藍翎侍衛由武進士出身者與武進士

同較科分名次選用由世爵出身者按其補授

藍翎日期與見在投供武進士之科分年月日

期相較選用難廕守備効勞人員各照引

見奉

旨以衛用日期先後選用如同日奉

旨難廕人員照題廕先後挨次選用効勞人員照期

滿先後選用如同日期滿照科分名次選用武

進士充補提塘者照期滿先後選用如同日期

滿照科分名次選用捐納人員每班用新捐三

人後間用舊捐一人其舊捐新捐各項均相間

輪用如同例捐者照輪庫日期先後選用如同
日輸庫公同掣籤注冊挨次選用見任營員奉
旨以衛用者於改班內選用掣補營守備奉
旨改用衛守備者各照奉

旨日期先後選用如同日奉

旨武進士按簡選年分科分名次先後効勞人員照
考職年月年滿千總照注冊前後倘有三項
人員同日奉

旨掣定先後注册挨次選用○九年議準直振例捐
納衛守備者為新捐其前新捐班改為舊新捐
每班用新捐三人次用舊新捐一人再次用舊
捐一人○十一年議準新江例捐納衛守備者
於原設捐班之下增設二班選用○十三年議
準川運例捐納衛守備者於新江班次之下增
設二班選用○又議準東振例捐納衛守備者
於人文到部投供照輸庫日期各班用四人之

後選用一人如投供無人卽將別班選用竢續
有投供到部卽還班補用一人餘仍於各班四
人之後相間輪用○十一年議準雙月衛守備
原設立六捐班今此項江振捐納衛守備者歸
入新江川運兩捐班內卽用

一守禦所千總選法順治初年定守禦所千總
員闕歸於雙月由裁汰改推還職降補三科武
舉外委題準給劄効勞等項挨次選用○康熙

五十三年議準南漕効力領運全完並無事故
應以守禦所千總用者設委用班選用○又議
準効勞期滿考授守禦所千總者設効勞班選
用○雍正十二年奏準豫籌糧運例捐納守禦
所千總者別立一班選用○又議準武舉充補
提塘應以守禦所千總用者歸入効勞班內卽
用○乾隆五年奏準改武廕生應以守禦所千
總用者歸入給劄班內選用○七年奏準守禦

所千總員闕將開復降調捐還三項共為一班
相間輪用一人南漕効力領運全完並無事故
者用一人改武廕生應以守禦所用者用一人
効力期滿考授守禦所者用一人捐納守禦所
者用二人每班用新捐三人後間用舊捐一人
豫籌糧運例捐納守禦所者用一人○又奏準
開復降調人員各照奉

旨日期先後選用如同日奉

旨公同掣籤注册挨次選用捐還原職人員照輸庫
日期先後選用如同日輸庫亦公同掣籤注册
挨次選用南漕効力人員三運全完咨部注册
各照文到日期先後選用如同日文到公同掣
籤注册挨次選用改武廕生照引

見奉

旨日期先後選用如同日奉

旨照題廕改武日期先後挨次選用効勞人員照期

滿先後選用如同日期滿武舉照科分名次選用不由武舉出身者照考職年月簡選等第名次先後選用捐納人員舊捐新捐各項均相間輪用如同例捐者照輸庫日期先後選用如同日輸庫公同掣籤注冊挨次選用豫籌糧運事例捐納人員照輸庫日期先後選用如同日輸庫亦公同掣籤注冊挨次選用○九年議準直振例捐納守禦所千總者為新捐從前新捐者

改為舊新捐每班用新捐三人次用舊新捐一人再次用舊捐一人○十一年議準新江例捐納守禦所千總者歸原設捐班選用○十三年議準川運東振各例捐納守禦所千總者均歸原設捐班選用○十八年議準守禦所千總原設立三捐班今此次江振捐納守禦所千總者歸入舊有捐班選用

一門千總選法康熙四十一年覆準門千總員

關歸入雙月將武舉選用○雍正二年議準門
千總員關停用漢人內九門將滿洲武舉選用
外七門將漢軍武舉選用○又議準漢軍武舉
及漢軍捐納千總者門衛並選武舉照簡選年
分選用捐納照原捐班次選用○十年議準內
九門千總照外七門千總之例均用漢軍武舉
其漢軍捐納千總者準其一同選用○乾隆七
年奏準門千總員關將漢軍武舉用二人次將

漢軍監生捐納千總者用一人次將隨幫漢軍
武舉用二人再將漢軍監生捐納千總者用一
人武舉照簡選年月科分名次選用監生照輸
庫日期先後選用如同日輸庫公同掣籤注冊
挨次選用隨幫照運滿日期選用如同日運滿
仍照簡選年月科分名次選用○又議準漢軍
世家子弟交巡捕營以千總用者準其改補門
千總借用捐納二班○九年議準門千總捐納

二班仍給還捐納人員漢軍候補之世家子弟
改補門千總者照無班可歸之例遇用二人後
選用一人照奉

旨日期先後如同日奉

旨令其公同掣籤挨次選用○十八年議準門千總
原設立兩捐班今此次江振捐納門千總者歸
入舊有捐班選用

一衛千總選法順治初年定衛千總員闕雙月

由裁汰改推還職降補一二科武舉外委題準
給劄等項挨次選用每五關各項輪用一人武
舉用四人單月由犧牲所所副論俸推升○又
定衛千總員闕以裁汰改推為一班還職降補
為一班武舉為一班年滿咨送為一班功加為
一班効勞為一班投誠為一班每十關各項輪
用一人武舉用四人○康熙十一年議準衛千
總員闕均歸雙月選用○雍正十一年議準一

二等武舉各設一科班三等武舉設四科班均照簡選年分挨科分名次選用如一二三等武舉同年簡選而一二等中有科分深於三等者將三等之科班借與一二等選用○又議準難廕應以衛千總用者設一廕班照題廕先後挨次選用○又議準一二三等守禦所隨幫一二等武舉隨幫三等武舉隨幫一二三等漢軍武舉隨幫各設一隨幫班相間輪班選用此三項

內一等與一等較二等與二等較三等與三等較各照運滿日期選用如日期相同仍照簡選年分挨科分名次選用○又議準一二三等武舉隨幫內有科分深者設一深科班各照科分名次選用不必復較簡選年分○又議準一二三等世爵隨幫及二三等効勞者共設一給劄班相間輪班選用此兩項內一等與一等較二等與二等較三等與三等較各照簡選年分選

用○又議準捐納衛千總人員設二班選用每班用新捐三人後間用舊捐一人其舊捐新捐各項均相間輪班選用如同例捐者按輪庫日期先後選用如同日輪庫令其公同掣籤注冊挨次選用○十二年奏準豫籌糧運例捐納衛千總於二捐班之下別設一班選用此班之內先用候補衛千總捐即用之人如無即用之人將改捐之人選用○乾隆元年奏準南漕効力

人員領重運三次全完咨部注册按文到日期
先後選用如同日文到令其公同掣籤挨次選
用○又奏準一二三等武舉隨幫內有簡選早
而選期已屆者於深科班下設一簡選班選用
如簡選年分相同按等第名次選用不必復較
科分名次○又奏準武舉隨幫在塗委領重運
一次者設代領重運班於十九班之後選用一
人照重運報滿日期先後選用如日期相同照

簡選年分挨科分名次選用○三年議準南漕
重運武舉科分最深者按科分名次先後入於
代領重運班內相間輪班選用不必復較簡選
年分如科分名次相同令其公同掣籤注冊挨
次選用○七年奏準開復降補捐還三項共為
一班相間輪用一人開復降補者照奉

旨日期先後選用捐還原職者照輪庫日期先後選
用如同日奉

旨同日輸庫均令公同掣籤注冊挨次選用○又奏
準衛千總員闕以開復降補捐還三項共為一
班相間輪用一人簡選武舉一等科班用一人
二等科班用一人三等科班用四人南漕効力
領重運者用一人難廕用一人一二三等守禦
所隨幫用一人一二等武舉隨幫用一人三等
隨幫用一人一二三等漢軍武舉隨幫用一人
一二三等武舉科分深者用一人一二三等武

舉簡選早者用一人一二三等世爵隨幫及二
三等効勞者相間輪用一人捐納者用二人豫
籌糧運例捐納者用一人隨幫武舉委領重運
及南漕重運之科深者共為一班相間輪用一
人廕生應以衛千總用者於各班之末用一人

○八年奉

旨武舉內有隨幫効力年滿之人應以衛千總用者
其選用之法按其從前簡選等第分班銓選一等

人數無多選期尚速其二等有數十人三等多至二百餘人每年選用不過三四人甚為壅滯朕思衛千總與營千總雖屬有間但武職皆尚技勇亦當及其強壯之時而用之且此項武職既繫隨幫年滿非閒散武舉可比若遲至二三十年之久方得錄用未免精力就衰難為國家宣力所當酌量疏通著該部詳議具奏欽此遵

旨議準衛千總班內設有二捐班繫選用從前捐納

之人應將此二班借於三等隨幫選用如本班
捐納有赴部投供者仍盡本班先用其豫籌糧
運例捐納衛千總已經用完應將所有別設一
班移於二班之上選用二等隨幫○又議準代
領重運人員照檄委代領日期先後選用如日
期相同照簡選年分科分名次選用○九年議
準直振例捐納衛千總為新捐從前新捐者改
為舊新捐每班用新捐三人次用舊新捐一人

再次用舊捐一人至二等隨幫武舉先因捐納人少遂以捐班借與選用此次直振捐納之人既歸原設捐班選用其三等武舉隨幫應於三等幫班之下增設一班選用○十年議準衛千總班次內設有廕班乃選用難廕此項見在無人應將此班借與三等隨幫選用如本班難廕之人有赴部投供者仍先盡本班選用○十一年議準新江例捐納衛千總應於原設捐班之

下增設江振新班由武舉及候補候選捐納者
用二人由監生捐納者用一人○十三年議準
川運例捐納衛千總亦應增設一班由武舉及
候補候選捐納者用二人由監生並監生已捐
衛千總職銜捐納者用一人○又議準東振例
捐衛千總由候補候選捐納衛千總者人文到
部投供照輸庫日期於各班用七人之後選用
一人如投供無人將別項之人選用續有赴部

投供者即還班補用一人仍於各班用七人之
後再行輪班選用其由監生捐納衛千總者於
東振候補候選者用二人之後選用一人○十
八年奏準三等隨幫人數甚多銓選壅滯應將
見在無人投供之恩廕班照借難廕班例以三
等隨幫武舉選用如恩廕人員有赴部投供者
仍先盡本班選用○又議準衛千總原設立八
捐班今此次江振捐納衛千總者準其於各班

先用

一甘肅衛所官選法康熙五十三年議準甘肅衛所守備千總專用武舉武進士本省之人照例迴避其雙月守備千總員闕將科目出身者選用如遇別項人員頂選即將見在投供之科目出身者挨次選用不還班先盡本班科目選用如本班無人即將下班科目單月守備員闕如見任俸深頂升人員非科目出身者即將見任科目之人較俸

挨次選用亦不還班

先盡本班科目推升如本班無人即將下班科目較

俸推升

○雍正六年議準甘肅衛所守備千總五

年俸滿照邊俸例題報注冊升用

一拔補貴州衛千總乾隆三年議準貴州古州

衛台拱衛清江左右衛八寨衛丹江衛凱里衛

黃平衛各千總員闕由該督於通省千把內簡

選通曉文義熟悉苗情辦事勤慎者勿論武舉

行伍出身一例調補拔補咨部彙題奉

古後給劄任事五年俸滿果能實心辦理著有成效
準以營守備題升

一拔補山東管河衛千總乾隆十五年議準山
東管河衛千總員闕由該總河於所屬營千總
把總內簡選諳練河工之人調補拔補六年俸
滿送部引

見分別營衛注册升用

一門衛所官升營官順治初年定門衛所各千

總食俸年深者每年於正七兩月遇營都司營
守備員闕專以衛所千總及門千總推升餘月
仍將營衛守備推升武選司於正七兩月將衛
所門千總俸滿應升者在截限之前開付職方
司升用有裁汰停升等項後經補官開復者即
付職方司升用移付之後如武選司有闕仍先
盡武選司升用○乾隆七年議準每年正七兩
月都司營守備員闕武選司於衛所門千總守

禦所千總內奉

旨以營用者按單月推升班次於截限之前開付職
方司升用其三月五月九月十一月將衛守備
門衛千總開付職方司升用內有裁汰停升等
項已經補官開復者亦通行較俸一例開付升
用○乾隆十九年奉

旨職方司銓選均歸武選司辦理

一衛所官改營官康熙十年題準衛所官有錢

糧之責若於未掣籤以前以不識文義具呈者
準以營弁改用掣籤以後以不識文義具呈者
以原品休致

一難廕衛千總改營官乾隆五年議準貴州難
廕衛千總願赴部候補者仍歸班推用外如有
告降以把總用者由該督考驗如果年力壯健
弓馬優嫻遇把總員闕與各項應用之人比較
拔補○八年議準邊省難廕衛千總有願告降

以把總用者準照貴州之例行

一衛所調繁雍正五年議準山東之濟寧江南
之江淮興武蘇州鎮江大河揚州泗州浙江之
杭州湖北之武昌武昌左衛湖南之岳州均屬
事務繁難遇有守備員闕由總漕於所屬守備
內簡選才具優長並無事故者題請調補給咨
赴部引

見其所遺之闕歸部銓選○乾隆八年議準江南之

泗州改為簡關山東之德州改為繁關○又議
準調補繁衛守備停其送部引

見於議覆奉

旨後即給劄赴任○十年覆準領運千總有才具平
常不勝繁任者總漕即於事簡千總內簡選題
請調補○又議準江淮衛之三六七八九各幫
興武衛之頭三四六七八九各幫淮安衛之二
四兩幫廬州衛大河衛之二三兩幫揚州衛之

頭幫鎮海衛泗州衛之前後兩幫鳳陽衛之常
州幫均屬事務繁難遇有千總員闕總漕照調
補繁衛守備之例於事簡千總內簡選題請調
補○十三年議準杭州衛之頭二兩幫温州衛
紹興衛之前後兩幫事務繁難遇有千總員闕
準照江淮等二十四幫之例題請調補○十五
年議準江南之鎮海鳳陽長淮浙江之嘉興均
改為繁關○又議準揚州衛之三幫安慶衛之

頭幫建陽衛之寧太幫事務繁難遇有千總員
闕準其題請調補○十八年議準江淮衛六幫
興武衛頭幫九幫鎮海衛後幫均改為簡關台
州衛前幫後幫金衢所幫均改為繁關

一衛所千總分別營衛雍正十一年議準單月
推升之衛所千總並正七兩月應升都司之大
衛千總由部考覈有食俸年久及完糧議敘即
升應升者開單行令各該督撫詳加考驗出具

考語咨部引

見或以營闕用或以衛闕用恭候

欽定注册各歸班銓選

一簡選武舉康熙三十九年議準漢軍漢人武
舉及各省世爵隨幫於會試之年赴部呈報足
有百人之數由部將領侍衛內大臣大學士八
旗都統職名開列奏請

欽點會同考試其馬步射堪用者照例以衛所千總

選用不堪者革退○又議準簡選武舉考試馬步射皆優者列為一等馬射優步射平步射優馬射平者列為二等馬步射皆平者列為三等均注冊歸入各班內以衛千總選用如弓馬生疎者列為四等令回籍學習俟下次簡選之時再行簡選其弓馬不堪人衰者列為五等奏請革退○又議準各省同科武舉同具呈簡選者照直隸山東山西河南江南江西福建浙江湖

北湖南西安甘肅四川廣東廣西雲南貴州等
省先後之序入冊

一簡發南漕効力康熙五十一年議準候選千
總由部簡選三四十人引

見恭候

欽定發往南漕効力如領押重運無誤咨部注冊選
用○雍正二年議準南漕領押重運効力需人
總漕將需用之數具題由部於已經簡選候選

衛千總之漢軍漢人武舉並候推守禦所千總
內令各取具同鄉京官印結及該旗圖結存案
題請會同領侍衛內大臣簡選引

見照總漕題請之數恭候

欽定發往南漕効力三運無誤咨部注冊以衛千總
選用

一簡發隨幫雍正二年議準糧船回空向設隨
幫一人若領押回空無誤以衛千總選用但此

等隨幫不過閒散之人借此虛冒功名應停其
頂補於簡選之武舉及候選守禦所千總人員
內有願頂補者在總漕衙門具呈遇有隨幫員
闕由總漕咨部給劄頂補三運無誤以衛千總
選用○乾隆七年奏準糧船回空需用隨幫人
員由總漕開明人數咨部由部於候推守禦所
千總並簡選以衛千總用之漢軍漢人武舉內
有情願隨幫者令其具呈取具同鄉京官印結

及該旗圖結存案照總漕咨請之數掣籤給照
分發漕標遇頂補隨幫時總漕咨部給劄三運
無誤咨部注冊以衛千總選用○十六年議準
隨幫武舉掣定幫次之後如有患病請假者委
官驗實取給咨部準其調理病痊日仍令頂補
原幫

一衛所官降補順治初年定衛守備降一級補
守禦所千總守禦所千總降一級補衛千總○

康熙三十三年議準門衛千總降一級補營千
總分發該員本籍附近省分與應行拔補之人
一同考驗拔補○雍正六年議準門千總皆繫
漢軍若降補把總發與巡捕營考驗拔補至衛
所守備千總及効力武舉如繫漢軍有降補把
總者皆照此例分發○乾隆元年議準南漕領
押重運人員及隨幫武舉遇有事故或降一級
應以營千總用降二級應以把總用者均令赴

部按所降之級發原籍附近省分與應行拔補之人一同考驗拔補降三級者無級可降即行革退


一衛所官開復擬升順治初年定衛所各官由戶工二部題準開復到部者覈對原叅分数將應準銷案各官照截限例每月二十日內到者本月擬升若二十一日後到者扣於下月擬升其原疏內將錢糧已完銷案及未完各官一本

彙題到部者不候題覆將應準銷案各官亦準擬升○乾隆七年奏準錢糧已完應銷案各官及未完各官并為一本具題到部者仍候題覆奉

旨後將應銷案各官擬升

一衛所官開闕順治初年定衛所守備千總等官有病故者不必具題由該撫將該員病故日期咨部開闕門千總病故由該統領咨部開闕

至因老病請休及告假等項事故咨文到部之
日即行開闕入於半月彙題



欽定大清會典則例卷一百七